

Namminersornerullutik Oqartussani kommuninilu tjenestemandinut eqqartuussisut pillugit inatsimmut nalunaarut

Matumuuna nalunaarutigineqarpoq Namminersornerullutik Oqartussani kommuninilu tjenestemandinut eqqartuussisut pillugit inatsit nr. 192, 26 marts 1991-imeersoq, inatsimmi nr. 1263, 20. december 2000-imeersumi allannguutigitinneqartut ilanngullugit.

§ 1. Kalaallit Nunaanni naalackersuisut Namminersornerullutik Oqartussani kommuninilu tjenestemandinut eqqartuussisunik pilersitsissapput, siulittaasumik taassumunngalu sinniisussamik, ilaasortanillu allanik arfineq-pingasunik taakkununngalu sinniisussamik inuttaqartumik. Eqqartuussisut taakku allatseqartitaassapput.

Imm. 2. Kalaallit Nunaanni eqqartuussisuuneq siulittaasuusaaq. Eqqartuussisuuneq taanna Kalaallit Nunaata eqqartuussisuuneqarfiani fuldmægtigit akornannit siulittaasup sinniisussaamik toqqaassaaq. Toqqaaneq atuutissaaq qaammatip, pineqartup 65-inik ukioqalerfiata naanera imaluunniimmi toqqarneqarsinnaanissamut patsisissaatitanik naammassinnissinnaajunnaarnera tikillugu.

Imm. 3. Naalackersuisut ivertitsissapput eqqartuussisunik sisamanik taakkununngalu sinniisussamik naalackersuisuniit Kalaallit Nunaannilu Kommuneqarfiit Kattuffianniit peqatigiilluni siunnersuutaasut malillugit, aammalu eqqartuussisunik sisamanik taakkualu sinniisussaannik Kalaallit Nunaanni Namminersornerullutik Oqartussani kommuninilu tjenestemandit Kalaallit Nunaanni kattuffissuinit isumaqatigiinniarsinnaatitaasuniit peqatigiilluni siunnersuutaasut malillugit. Pineqartut taakku ukiunut tallimanut ivertinneqassapput.

Imm. 4. Eqqartuussisut sinniisussaallu pisariaqarneratut amerlassusillit imm. 3 naapertorlugu ivertitsisoqarnissaa kingusinnerpaamik qaammammik ataatsimik sioqqullugu siunnersuutigineqanngippata naalackersuisut namminneerlutik amigaataasumik imaluunniit amigaataasunik ivertitsissapput.

Imm. 5. Ivertitaaqqittoqarsinnaavoq.

Imm. 6. Eqqartuussisoq sinniisussaaluunniit naalackersuisunit ivertitaq piffissap ukiunik 5-nik sivilissusillip ingerlanerani ilaasortaajunnaarpat, piffissap sinneranut allamik ivertitsisoqassaaq naalackersuisuniit aammalu Kalaallit Nunaanni Kommuneqarfiit Kattuffianniit, taamatullu imm. 3-mi taaneqartutut kattuffissuarniit, peqatigiilluni siunnersuutaasut malillugit. Eqqartuussisup sinniisussaataaluunniit ilaasortaasimasup ilaasortaajunnaareerneraniit kingusinnerpaamik qaammatip ataatsip qaangiunnerani siunnersuuteqartoqanngippat, naalackersuisut nammineerlutik ivertitsissapput.

§ 1 a. Suliassat ataasiakkaat sularineqarnerini peqataasassapput tjenestemandinut eqqartuussisut siulittaasuat taassumaluunniit sinniisussaa eqqartuussisuni siulittaasutut kiisalu, eqqartuussisunit taakkualuunniit sinniisussaannit naalackersuiut ivertitaannit

sisamat. Sisamanit taakkunannga marluk ivertitaasimassapput naalakkersuisuniit aamma Kalaallit Nunaani Kommuneqarfiit Kattuffianniit peqatigiilluni siunnersuutit malillugit marlullu kattuffissuarniit peqatigiilluni siunnersuutaasut malillugit imaluunniit § 1, imm. 4 imaluunniit imm. 6, oqaaseqatigiit aappaat naapertorlugit ivertitat.

§ 1 b. Tjenestemandinut eqqartuussisut siulittaasuannut, eqqartuussisunut sinniisussanullu atuutissapput eqqartuussisut eqqartuussinerni peqataasinnaannginnerat pillugu malittarisassat Kalaallit Nunaanni eqqartuussisarnermik inatsimmi aalajanegrsarneqartut.

Imm. 2. Eqqartuussisut, suliassanik ataasiakkaanik eqqartuussinermi peqataasussat, namminneerlutik nakktigissavaat eqqartuussinermi peqataasinnaannginnissamut pisstissaqarnersoq.

Imm. 3. Eqqartuussisup peqataasinnaannginnera pillugu akerliliissutit kikkut eqqartuussinermi peqataanissaannik nalunaarut tiguniariaraanni sapinngisamik saqqummiu-tipallattariaqarput, qanorluunniillu pisoqassagaluarpat eqqartuussineq aallarnerneqalersinnagu saqqummiunneqartariaqarlutik. Peqataasinngaanneq eqqartuussisut siulittaasuata aalajangiinerissavaa. Taamaattorli eqqartuussineqarnerani aalajangiineq eqqartuussisut tamarmiusut aalajangiinerissavaat. Eqqartuussinerni peqataasinnaanngitsut apeqqutaatinneqalersoq aalajangiiniarnermi peqataanngitsoortitaassanngilaq.

§ 2. Tjenestemandinut eqqartuussisut suliarisarpaat

- 1) unioqqutitsinerit imaluunniit Kalaallit Nunaanni Namminersorerullutik Oqartussani kommuninilu tjenestemandit pillugit Inatsisartut inatsisaat naapertorlugu isumaqatigiissutit pillugit nassuiaasiomerit imaluunniit inatsisartut inatsisaanni §§ 50-51-imi naapertorlugit aalajangersakkat isumaqatigiissutaasut taarserlugit atuutitinneqalersunut tunngasut, aammalu
- 2) Kalaallit Nunaanni Namminersorerullutik Oqartussani kommuninilu tjenestemandit pillugit inatsisartut inatsisaanni § 12, imm. 1-imi tjenestemandit ataatsimoorussillutik unioqqutitsineri, § 1, imm. 3-mi kattuffissuarnut taaneqartunut ataatsimut arlalinnuunniit attuumassuteqartut.

Imm. 2. Eqqartuussisut namminneerlutik nakktigivaat, suliamik suliarinninnissamut piginnaatitaanerup tutsuiginartumik tunngavilersugaanera.

Imm. 3. Suliassat, tjenestemandinut eqqartuussisunut suliassarititaasut, eqqartuussivinnut naliginnaasunut suliassanngortitaasinnaanngillat. Tjenestemandiusorli eqqartuussivinnut naliginnaasunut suliassiinnaavoq, uppersarsarsinnaaguniuk kattuffissuaq susassaartoq suliassamik imm. 1-imi taaneqartutut ittumik tjenestemandinut eqqartuussisunut suliassiiniangitsoq.

Imm. 4. Suliat imm. 1, nr. 2 naapertorlugu tjenestemandinut eqqartuussisut suliassaannut attuumassuteqartut, Kalaallit Nunaanni Namminersorerullutik Oqartussani kommuninilu tjenestemandit pillugit inatsisartut inatsisaanni §§ 21-27 naapertorlugit suliarineqarsinnaanngillat.

Imm. 5. Naalackersuisut aalajangersinnaavaat, imm. 1, nr. 2-mi taaneqartutuut tjenestemandinut atugassaataasunut assingusunik isumaqatigiissuteqarnikkut, sulisut atorfinitsinneqarsimasut unioqqutitsineri tjenestemandinut eqqartuussisunit suliarineqarsinnaanersut, § 12, imm. 1, aammalu Kalaallit Nunaanni Namminersornerullutik Oqartussani kommuninilu tjenestemandit pillugit inatsisartut inatsisaanni §§ 21-27 malittarisassat naapertorlugit atorfinitsinneqarsimappata. Naalackersuisut najoqqutassanik aalajangersaasapput, unioqqutitsinerit pillugit Naalackersuisunut nalunaarteqartarnissamut piumasaaqateqarnissamut tunngatillugu aammalu pisariaqartumik § 5, imm. 2-mik atuutsitsinnginnerit pillugit kikkut suliamut attuumassuteqarnerinut tunngatillugu. § 4, imm. 3-mi aalajangersagaq aamma atuutitinneqassaaq kattuffissuarmit kattuffissuarniilluunniit isumaqatigiinnarititaasunut, sulisut sinnerlugit imm. 1 aallaavigalugu Naalackersuisut aalajangersagaat naapertorlugit attuumassuteqartunut.

§ 3. Naalackersuisut, kommunit aammalu § 1, imm. 3-mi taaneqartut kattuffissuit tjenestemandinut eqqartuussisuniit § 2, imm. 1, nr. 1 taaneqartutuut unioqqutitsinerit pillugit akiliisinneqarsinnaapput.

1. Aningaasat akiligassiissutigineqartut eqqartuussisunut suliassanngortitsisumut pigitinneqassapput.

§ 4. Suliani § 2, imm. 1, nr. 2-mi taaneqartuni tjenestemandinut eqqartuussisut siulittaasuat imaluunniit siulittaasup sinniisuaa naalakkiteqarsinnaapput unioqqutitsinerup taamaatitinneqarnissaanut.

Imm. 2. Tjenestemandi § 2, imm. 1, nr. 2-mi taaneqartutuut unioqqutitsisimasoq tjenestemandinut eqqartuussisuniit mianersoqquneqarsinnaavoq, avoqqaarneqarsinnaavoq akiligassinneqarsinnaallunuunniit.

Imm. 3. § 1, imm. 3-mi kattuffiussuit taaneqartut, ataasiakkaarlugit arlaliutillugilluunniit, tjenestemandinut eqqartuussisuniit akiliisinneqarsinnaapput kattuffissuup/-sui § 2, imm. 1, nr. 2-mi taaneqartut unioqqutitsinermut ikiuussimaguni/-nik, imaluunniit unioqqutitsinermik peqquserlunnikkut unitsitseriaraluarsimappat/-ta atorunnaarsitseriaraluarlunuunniit/-tilluunniit. Aningaasat akiligassiissutigineqartut eqqartuussisunut suliassanngortitsisumut pigitinneqassapput. Imm. 1-2-mi aalajangersakkat kattuffinnut kattuffissuarnut pineqartunut attuumassuteqartunut aamma atuutitinneqassapput.

§ 5. Suliassat § 2, imm. 1-mi taaneqartut naalackersuisunit suliassanngortitaasinnaapput aammalu naalackersuisut pillugit suliaakkiutaasinnaallutik imaluunniit § 1, imm. 3-mi taaneqartunit kattuffissuarnit/-mit suliaakkiutaasinnaallutik.

Imm. 2. Suliassat § 2, imm. 1-mi taaneqartut naalackersuisunit suliassanngortitaasinnaapput § 1, imm. 3-mi taaneqartunut kattuffissuarnut/-mut tunngasut. Tjenestemandinut eqqartuussivikkut kattuffissuit naalackersuisut pillugit suliaakkiisinnaapput, Kalaallit Nunaanni Namminersornerullutik Oqartussani kommuninilu tjenestemandit pillugit

inatsisartut inatsisaanni § 12, imm. 1 naapertorlugu, unioqquitsineq ilumut tjenestemandinut eqqartuussivimmum attuumassuteqarneris pillugu.

Imm. 3. Tjenestemandinut eqqartuussivimmum illuatungeriit killiligaanngitsumik eqqartuussinermi nammeneq sinnerluni pisinnaatitaaq aqputigalugu sassarsinnaatitaapput.

§ 5 a. Tjenestemandinut eqqartuussisut Nuummi najugaqassapput, allamilli inissinneqarsinnaallutik tamanna eqqartuussisunit naleqquttuosorineqassappat.

§ 5 b. Suliassamik suliassiisoqartassaaq maalaarutitut allakkiamik tjenestemandinut eqqartuussisunum tunniussaqaarnikkut.

Imm. 2. Maalaarutitut allakkiap imarissavai

- 1) illuatungeriit aqqi najugaallu,
- 2) maalaaruteqartup piumasaqaatai,
- 3) pisimasut eqqortut piumasaqaatinum tapersiisuusut naatsumik nassuiarnerat, aamma
- 4) uppersaatissatut allakkiat allallu uppersaatissat, maalaaruteqartup patsisiginialersaagaasa taagorneqarnerat.

§ 6. Allatsip sapinngisamik piaarnerpaamik nassuutissavai maalaarutinum allakkiap naqinnera ataaseq ilanngussartalik maalaarutaasumum peqatigisaanillu peqatigisaanillu taanna kajumissarlugu akissutitut allakkiamik ilanngussartaligaajunnartumik akissuteqaqqullugu. Allatsip pisariaqassappat maalaarutitut allakkiaq maalaarutaasumum nalunaarutigisinnaavaa Kalaallit Nunaanni eqqartuussisarnermik inatsimmi nalunaarutiginnittarneq pillugu malittarisassat malillugit.

Imm. 2. Akissutitut allakkiap imarissavai

- 1) maalaarutaasup piumasaqaatai,
- 2) pisimasut eqqortut piumasaqaatinum tapersiisuusut naatsumik nassuiarnerat, aamma
- 3) uppersaatissatut allakkiat allallu uppersaatissat, maalaaruteqartup patsisiginialersaagaasa taagorneqarnerat.

§ 7. Suliassamik eqqartuussisoqarsinnaanissamum piareersaaneq pissaaq ataasiarluni arlaleriarluniluunniit piareersaatitut eqqartuussinermi.

Imm. 2. Piareersaatitut eqqartuussinerit eqqartuussisut siulittaasuannit taassumaluunniit sinniisussaaniit najuuffigineqassapput.

Imm. 3. Illuatungeriit akuersisillugit eqqartuussisut piareersaatitut eqqartuussinermi suliassaq aalajangiiffigisinnaavaat. Aalajaniigneq illuatungeriit isumaqataaneratigut aalajangiinikkut aalajangiinerusinnaavoq.

Imm. 4. Piareersaataasumik eqqartuussinerit matoqqasuussapput. Taamaattorli illuatungeriit akuersineratigut eqqartuussisut siulittaasuata akuerisarsinnaavaa illuatungeriit sinniisaasa saniatigut allat eqqartuussinermi najuussinnaanissaat.

§ 8. Eqqartuussustissap aalajangiiffigianiernerani pisariaqarneratut naleqquttunngorsaatitalerlugit atuutissapput Kalaallit Nunaanni eqqartuussisarnermik inatsimmi inuinnaat saqitsaassutaannik siullermeersumik eqqartuussisarneq pillugu malittarisassat.

Imm. 2. Eqqartuussineq ammasumik ingerlanneqassaaq, eqqartuussisut siulittaasuut inimi eqqartuussiviusumi eqqissisimanissaq torersaarnissarlu pillugit matut matuneqarnissaannik qaqutigootumik aalajangiisimassanngippat.

§ 9. Eqqartuussut siunersioqatigeereernikkut taasinikkut akuersissutigineqartassaaq. Siunersioqatigiinnerit taasinerillu oqaluinnarnikkut pisassapput, eqqartuussisullu siulittaasuut tamatigit kingullersaalluni taasisassaaq. Taasinermi eqqartuussisut oqaluinnarnikkut aalajangiiniarnermi tamarmiusumi najuussimasut kisimik peqataassapput. Taasinerit taasinerit allattaavimmut imaqarnerisukkatut allanneqassapput.

Imm. 2. Aalajangiineq taasinerit amerlanerussuteqarneratigit aalajangiinerussaaq.

Imm. 3. Eqqartuussummut missiliuusaaq eqqartuussisut siulittaasuata suliarissavaa, tamatuma kingorna inissutaasumik oqaasertaliornera eqqartuusseqataasunit akuersissutigineqassaaq.

§ 10. Eqqartuussut, tamanit najuuffigineqartumik eqqartuussinermi eqqartuussutip inerneranik atuaanikkut nalunaarutigineqartussaaq, pissutigisanik ingiallorteqartitaassaaq kisiannili taasineqarnerani isummat assigiingitsut pillugit paasissutissartaqassanani.

§ 11. Illuatungiusup takkutinngitsoornerata kingunerisassai aamma inuinnaat saqitsaassutaannik eqqartuussinerit, takkutinngitsoorneq pissutigalugu eqqartuussutikkut aalajangiiffigisat nangitinneqarsinnaanerat pillugit Kalaallit Nunaanni eqqartuussisarnermik inatsimmi aalajangersakkat taamatulli atortinneqassapput suliaassani tjestemandinut eqqartuussisuni suliarineqartussani.

Imm. 2. Tjestemandinut eqqartuussisut siulittaasuata taassumaluunniit sinniisussaata qaqutigut akuerisarsinnaavaa, suliaassat § 7, imm. 3 naapertorlugu eqqartuussisut siulittaasuannit aalajangiiffigisat nangiteqqinneqarnissaat

- 1) naatsorsuutigineqarpat ilimagisariaqarnerusoq suliaassaq qinnuteqartup kukkunerinngisaanik eqqunngitsumik paasissutissiissutaasimassasoq, aammalu suliaassaq nangeqqinneqareernermit allaanerujussuarmik inerineqarumaartoq,
- 2) naatsorsuutigilluinnartariaqarpat qinnuteqartup aatsaat tamanna aqqutigalugu annaasarujussuarnissaq imaluunniit annaasaqariartulernissaq pinngitssortissinnaassagaa, aamma
- 3) pissutsit nangititseqqinnissamut annertuumik pissutissaqartitsippata.

§ 12. Tjestemandinut eqqartuussisut eqqartuussutaat naammassitinniarneqarsinnaapput Kalaallit Nunaanni eqqartuussisarnermik inatsimmi eqqartuussutinik pinngitsaaliissummik naammassititsiniaasarneq pillugu malittarisassat malillugit.

Imm. 2. Tjenestemandinut eqqartuussisut sinnerlugit isumaqatigiilernermi isumaqatigiissutaasut aamma § 7, imm. 3. naapertorlugu allajangiinerit naammassitinniarneqarsinnaapput Kalaallit Nunaanni eqqartuussisarnermik inatsimmi isumaqatigiissutinik eqqartuussisut sinnerlugit isumaqatigiissutaasunik naammassititsiniaasarneq pillugu malittarisassat malillugit.

Imm. 3. Kalaallit Nunaanni eqqartuussisarnermik inatsimmi eqqartuussutit il.il. eqqortuunerinut akerliussutit, pinngitsaaliinikkut naammassititsiniaanermi saqqumiiunneqartut, pillugit malittarisassat taamatulli atortuutinneqassapput akerliussutinut, tjenestemandinut eqqartuussisut eqqartuussutaannik, aalajangiinerinik aalajngigaannillu naammassititsiniaanermi saqqummiussanut.

§ 13. Tjenestemandinut eqqartuussisut aningaasartuutaat Namminersornerullutik Oqartussanit akilerneqartassapput.

§ 14. Inatsit 1. april 1991-imi atuutilissaaq.

Imm. 2. Suliat inatsisip atuutilerana sioqqullugu suliassanngortinneqarsimasut, malittarisassat siornatigut atuussimasut naapertorlugit suliarineqassapput.

Inatsit nr. 1263, 20. december 2000-imeersoq, Namminersornerullutik Oqartussani kommuninilu tjenestemandinut eqqartuussisut inatsisaat pillugu allannguutip atortuulerneranut aalajangersagaq:¹⁾

§ 2

Imm. 1. Inatsit atuutilissaaq illoq 1. januar 2001.

Imm. 2. § 1, imm. 3, sunniuteqassaaq suliassanut inatsisip atortuulersinneqareerneratigut suliassaalersussanut.

Imm. 3. Eqqartuussisunik sinniisissaanillu tjenestemandinut eqqartuussisutut ulloq 1. juni 2002 atuutilersumik toqqaasoqarlunilu ivertitsisoqarnissaa tikillugu maannakkut ilaasortaasut sinniisussaallu atuutiinnassapput.

Imm. 4. Kalaallit Nunaanni eqqartuussisuunerup sinniisussatut toqqagaa 1. juni 2002 nallertinnagu qimaguppat, allamik toqqaasoqassaaq Kalaallit Nunaanni Namminersornerullutik Oqartussani kommuninilu tjenestemandinut Kalaallit Nunaanni eqqartuussisut pillugit inatsimmi § 1, imm. 2-mi malittarisassat inatsimmi matumani § 1, nr. 1-itut oqaasertalikkat malillugit.

Imm. 5. Aamma eqqartuussisutut sinniisussatulluunniit toqqagaaq 1. Juni 2002 nallertinnagu qimaguppat, allamik toqqaasoqassaaq Kalaallit Nunaanni Namminersornerullutik Oqartussani kommuninilu tjenestemandinut Kalaallit Nunaanni eqqartuussisut pillugit inatsimmi § 1, imm. 2-mi malittarisassat inatsimmi matumani § 1, nr. 1-itut oqaasertalikkat malillugit.

Imm. 6. Suliassat inatsisip atortuulersinneqarnerani tjenestemandinut eqqartuussisuni ingerlanneqartut inerlugit suliarineqassapput Kalaallit Nunaanni Namminersornerullutik Oqartussani kommuninilu tjenestemandinut Kalaallit Nunaanni eqqartuussisut pillugit inatsimmi §§ 5-12-imi malittarisassat inatsimmi matumani tulleriinnerisut § 1, nr. 6-8-misut oqaasertalerlugit allannguuteqartitat malillugit.

Finansministeriemi, ulloq 18. maj 2017

SOFIE LØHDE

/ Jesper Schaumburg-Müller